

中阿含經卷第十一



三十二



中阿含經卷第十一

東晉罽賓三藏瞿曇僧伽提婆

王相應品第六

有七經王相應品本有十
四經分後七經屬第二誦

初一日誦

七寶相四洲

牛糞摩竭王

鞞婆麗陵耆

天使最在後



中阿含王相應品七寶經第一

我聞如是一時佛遊舍衛國在勝林給孤獨園
爾時世尊告諸比丘若轉輪王出於世時
當知便有七寶出世云何爲七輪寶爲寶馬
寶珠寶女寶居士寶主兵臣寶是謂爲七若
轉輪王出於世時當知有此七寶出世如是
如來無所著等正覺出於世時當知亦有七
覺枝寶出於世間云何爲七念覺枝寶擇法
枝精進覺枝喜覺枝息覺枝定覺枝捨覺枝
寶是謂爲七如來無所著等正覺出於世時
當知有此七覺枝寶出於世間佛說如是彼
諸比丘聞佛所說歡喜奉行

七寶經第一竟

中阿含王相應品三十二相經第二

初一日誦

我聞如是一時佛遊舍衛國在勝林給孤獨
園介時諸比丘於中食後集坐講堂共論此
事諸賢甚奇甚特大人成就三十二相必有
二處真諦不虛若在家者必為轉輪王聰明
智慧有四種軍整御天下由己自在如法法
王成就七寶彼七寶者輪寶魚寶馬寶珠寶
女寶居士寶主兵且寶是為七寶千子具足顏
貌端正勇猛無畏能伏他衆彼必統領此一
切地乃至大海不以刀杖以法教令令得安

樂若剃除鬚髮著袈裟衣至信捨家無家學
道者必得如來無所著等正覺名稱流布周
聞十方今時世尊在於燕坐以淨天耳出過
於人聞諸比丘於中食後集坐講堂共論此事
諸賢甚竒甚特大人成就三十二相必有二
處真諦不虛若在家者必爲轉輪王聰明智
慧有四種軍整御天下由己自在如法法王
成就七寶彼七寶者輪寶魚寶馬寶珠寶女
寶居士寶主兵臣寶是爲七寶千子具足顏貌
端正勇猛無畏能伏他衆彼必統領此一切
地乃至大海不以刀杖以法教令令得安樂
若剃除鬚髮著袈裟衣至信捨家無家學道

者必得如來無所著等正覺名稱流布周聞
十方世尊聞已則於晡時從燕坐起往詣講
堂比丘衆前敷座而坐問諸比丘汝等今日
共論何事集坐講堂時諸比丘白曰世尊我
等今日集坐講堂共論此事諸賢甚竒甚特
大人成就三十二相必有二處真諦不虛若
在家者必爲轉輪王聰明智慧有四種軍整
御天下由己自在如法法王成就七寶彼七
寶者輪寶爲寶馬寶珠寶女寶居士寶主兵
臣寶是爲七寶千子具足顏貌端正勇猛無
畏能伏他衆彼必統領此一切地乃至大海
不以刀杖以法教令令得安樂若剷除鬚髮

著袈裟衣至信捨家無家學道者必得如來
無所著等正覺名稱流布周聞十方世尊我
等共論如此事故集坐講堂於是世尊告曰
比丘汝等欲得從如來聞三十二相耶謂大人
所成必有二處真諦不虛若在家者必爲轉
輪王聰明智慧有四種軍整御天下由己自
在如法法王成就七寶彼七寶者輪寶魚寶
馬寶珠寶女寶居士寶主兵臣寶是爲七寶千
子具足顏貌端正勇猛無畏能伏他衆彼必
統領此一切地乃至大海不以刀杖以法教
令令得安樂若剃除鬚髮著袈裟衣至信捨
家無家學道者必得如來無所著等正覺名

稱流布。周聞十方。時諸比丘聞已。白曰。世尊。今正是時。善逝。今正是時。若世尊爲諸比丘。說三十二相者。諸比丘聞已。當善受持。世尊告曰。諸比丘。諦聽。諦聽。善思念之。吾當爲汝廣分別說。時諸比丘受教。而聽佛言。大人足安平立。是謂大人。大人之相。復次大人足下生輪。輪有千輻。一切具足。是謂大人。大人之相。復次大人足指纖長。是謂大人。大人之相。復次大人足周正直。是謂大人。大人之相。復次大人足根踝後兩邊平滿。是謂大人。大人之相。復次大人足兩踝臍。是謂大人。大人之相。復次大人身毛上向。是謂大人。大人之

相復次大人手足網縵猶如鴈王是謂大人
大人之相復次大人手足極妙柔弱軟敷猶
兜羅華是謂大人大人之相復次大人肌皮
軟細塵水不著是謂大人大人之相復次大
人一一毛一一毛者身一一孔一一毛生色若
紺青如螺右旋是謂大人大人之相復次大
人鹿膾腸猶如鹿王是謂大人大人之相復
次大人陰馬藏猶良馬王是謂大人大人之
相復次大人身形圓好猶屈拘類樹上下圓
相稱是謂大人大人之相復次大人身不阿
曲身不曲者平立伸手以摩其膝是謂大人
大人之相復次大人身黃金色如紫磨金是

謂大人大人之相復次大人身七處滿七處
滿者兩手兩足兩肩及頸是謂大人大人之
相復次大人其上身大猶如師子是謂大人
大人之相復次大人師子頰車是謂大人大
人之相復次大人脊背平直是謂大人大人
之相復次大人兩肩上連通頸平滿是謂大
人大人之相復次大人四十齒牙平齒不踈
齒白齒通味第一味是謂大人大人之相復
次大人梵音可愛其聲猶如加羅毗伽是謂
大人大人之相復次大人廣長舌廣長舌者
舌從口出遍覆其面是謂大人大人之相復
次大人承淚處滿猶如牛王是謂大人大人

之相復次大人眼色紺青是謂大人大人之
相復次大人頂有肉髻團圓相稱髮螺右旋
是謂大人大人之相復次大人眉間生毛潔
白右縈是謂大人大人之相諸比丘大人成
就此三十二相必有二處真諦不虛若在家
者必為轉輪王聰明智慧有四種軍整御天
下由己自在如法法王成就七寶彼七寶者
輪寶魚寶馬寶珠寶女寶居士寶主兵臣寶
是謂為七寶千子具足顏貌端正勇猛無畏能
伏他衆彼必統領此一切地乃至大海不以
刀杖以法教令令得安樂若剃除鬚髮著袈
裟衣至信捨家無家學道者必得如來無所

著等正覺名稱流布周聞十方佛說如是彼
諸比丘聞佛所說歡喜奉行

三十二相經第二竟

中阿含王相應品四洲經第三

初一日誦

我聞如是一時佛遊舍衛國在勝林給孤獨
園尔時尊者阿難在安靜處燕坐思惟而作
是念世人甚少能於欲有滿足意少有猷
患於欲而命終者世人於欲有滿足意猷患
於欲而命終者爲甚難得尊者阿難則於晡
時從燕坐起往詣佛所到已作礼却住一面
白曰世尊我今在安靜處燕坐思惟而作是
念世人甚少能於欲有滿足意少有猷患

於欲而命終者世人於欲有滿足意馱患於
欲而命終者爲甚難得佛告阿難如是如是
世人甚少少能於欲有滿足意少有馱患於
欲而命終者阿難世人於欲有滿足意馱患
於欲而命終者爲甚難得阿難世人極甚難
得極甚難得於欲有滿足意馱患於欲而命
終者阿難但世間人甚多甚多於欲無滿足
意不馱患欲而命終也所以者何阿難往昔
有王名曰頂生作轉輪王聰明智慧有四種
軍整御天下由己自在如法法王成就七寶
彼七寶者輪寶爲寶馬寶珠寶寶女寶居士寶
主兵臣寶是謂爲七寶千子具足顏貌端正勇

猛無畏能伏他衆彼必統領此一切地乃至
大海不以刀杖以法教令令得安樂阿難彼
頂生王而於後時極大久遠便作是念我有
閻浮洲極大富樂多有人民我有七寶千子
具足我欲於宮兩寶七日積至于膝阿難彼
頂生王有大如意足有大威德有大福祐有
大威神適發心已即於宮中兩寶七日積至
于膝阿難彼頂生王而於後時極大久遠復
作是念我有閻浮洲極大富樂多有人民我
有七寶千子具足及於宮中兩寶七日積至
于膝我憶曾從古人聞之西方有洲名瞿陀
居極大富樂多有人民我今欲往見瞿陀居

洲到已整御阿難彼頂生王有大如意足有
大威德有大福祐有大威神適發心已即以
如意足乘虛而去及四種軍阿難彼頂生王
即時往到住瞿陀尼洲阿難彼頂生王住已
整御瞿陀尼洲乃至無量百千萬歲阿難彼
頂生王而於後時極大久遠復作是念我有
閻浮洲極大富樂多有人民我有七寶千子
具足及於宮中兩寶七日積至于膝我亦復
有瞿陀尼洲我復曾從古人聞之東方有洲
名弗婆鞞陀提極大富樂多有人民我今欲
往見弗婆鞞陀提洲到已整御阿難彼頂生
王有大如意足有大威德有大福祐有大威

神適發心已即以如意足乘虛而去及四種
軍阿難彼頂生王即時往到住弗婆鞞陀提
洲阿難彼頂生王住已整御弗婆鞞陀提洲
乃至無量百千萬歲阿難彼頂生王而於後
時極大久遠復作是念我有閻浮洲極大富
樂多有人民我有七寶千子具足及於宮中
兩寶七日積至于膝我亦復有瞿陀尼洲亦
有弗婆鞞陀提洲我復曾從古人聞之北方
有洲名鬱單曰極大富樂多有人民彼雖無
我想亦無所受我今欲往見鬱單曰洲到已
整御及諸眷屬阿難彼頂生王有大如意足
有大威德有大福祐有大威神適發心已即

以如意足乘虛而去及四種軍阿難彼頂生
王遙見平地白告諸臣曰卿等見鬱單曰平
地白耶諸臣對曰見也天王王復告曰卿等
知不彼是鬱單曰人自然粳米鬱單曰人常
所食者卿等亦應共食此食阿難彼頂生王
復遙見鬱單曰洲中若干種樹淨妙嚴飾種
種綵色在欄楯裏告諸臣曰卿等見鬱單曰
洲中若干種樹淨妙嚴飾種種綵色在欄楯
裏耶諸臣對曰見也天王王復告曰卿等知
不是鬱單曰人衣樹鬱單曰人取此衣著卿
等亦應取此衣著阿難彼頂生王即時往到
任鬱單曰洲阿難彼頂生王任已整御鬱單

曰洲乃至無量百千万歲及諸眷屬阿難彼
頂生王而於後時極大久遠復作是念我有
閻浮洲極大富樂多有人民我有七寶千子
具足及於宮中兩寶七日積至于膝我亦復
有瞿陀居洲亦有弗婆鞞陀提洲亦有鬱單
曰洲我復曾從古人聞之有天名曰三十三
天我今欲往見三十三天阿難彼頂生王有
大如意足有大威德有大福祐有大威神適
發心已即以如意足乘虛而往及四種軍向
日光去阿難彼頂生王遙見三十三天中須
弥山王上猶如大雲告諸臣曰卿等見三十
三天中須弥山王上猶如大雲耶諸臣對曰

見也天王王復告曰卿等知不是三十三天
晝度樹也三十三天在此樹下於夏四月具
足五欲而自娛樂阿難彼頂生王復遙見三
十三天中湏弥山王上近於南邊猶如大雲
告諸臣曰卿等見三十三天中湏弥山王上
近於南邊猶如大雲耶諸臣對曰見也天王
王復告曰卿等知不是三十三天正法之堂
三十三天於此堂中八日十四日十五日為
天為人思法思義阿難彼頂生王即到三十
三天彼頂生王到三十三天已即入法堂於
是天帝釋便與頂生王半坐今坐彼頂生王
即坐天帝釋半坐於是頂生王及天帝釋都

無差別光光無異色色無異形形無異威儀
禮節及其衣服亦無有異唯眼眴異阿難彼
頂生王而於後時極大久遠復作是念我有
閻浮洲極大富樂多有人民我有七寶千子
具足及於宮中雨寶七日積至于膝我亦復
有瞿陀居洲亦有弗婆鞞陀提洲亦有鬱單
曰洲我又已見三十三天雲集大會我已得
入諸天法堂又天帝釋與我半坐我已得坐
帝釋半坐我與帝釋都無差別光光無異色
色無異形形無異威儀禮節及其衣服亦無
有異唯眼眴異我今寧可驅帝釋去奪取半
坐作天人王由已自在阿難彼頂生王適發

此念不覺已下在閻浮洲便失如意足生極
重病命將歿時諸臣往詣頂生王所白曰天
王若有梵志居士及臣人民來問我等頂生
王臨命終時說何等事天王我等當云何答
梵志居士及臣人民時頂生王告諸臣曰若
梵志居士及臣人民來問卿等頂生王臨命
終時說何等事卿等應當如是答之頂生王
得閻浮洲意不滿足而命終頂生王得七寶
意不滿足而命終千子具足意不滿足而命
終頂生王七日雨寶意不滿足而命終頂生
王得瞿陀居洲意不滿足而命終頂生王得
弗婆鞞陀提洲意不滿足而命終頂生王得

鬱單曰洲意不滿足而命終頂生王見諸天
集會意不滿足而命終頂生王具足五欲功
德色聲香味觸意不滿足而命終若梵志居
士及臣人民來問卿等頂生王臨命終時說
何等事卿等應當如是答之於是世尊而說
頌曰

天雨妙珍寶

欲者無厭足

欲苦無有樂

慧者應當知

若有得金積

猶如大雪山

一一無有足

慧者作是念

得天妙五欲

不以此五樂

斷愛不著欲

等正覺弟子

於是世尊告曰阿難昔頂生者汝謂異人耶
莫作斯念當知即是我也阿難我於今時為

自饒益亦饒益他饒益多人愍傷世間爲天
爲人求義及饒益求安隱快樂今時說法不
至究竟不究竟白淨不究竟梵行不究竟梵
行訖今時不離生老病死啼哭憂感亦未能
得脫一切苦阿難我今出世如來無所著等
正覺明行成爲善逝世間解無上士道法御
天人師号佛衆祐我今自饒益亦饒益他饒
益多人愍傷世間爲天爲人求義及饒益求
安隱快樂我今說法得至究竟究竟白淨究
竟梵行究竟梵行訖我今得離生老病死啼
哭憂感我今已得脫一切苦佛說如是尊者
阿難及諸比丘聞佛所說歡喜奉行

四洲經第三竟

中阿含王相應品牛糞喻經第四 初一日誦
我聞如是一時佛遊舍衛國在勝林給孤獨
園尔時有一比丘在安靜處燕坐思惟而作
是念頗復有色常住不變而一向樂恒久存
耶頗有覺想行識常住不變而一向樂恒久
存耶彼一比丘則於晡時從燕坐起往詣佛
所稽首作礼却坐一面白曰世尊我今在安
靜處燕坐思惟而作是念頗復有色常住不
變而一向樂恒久存耶頗有覺想行識常住
不變而一向樂恒久存耶佛告比丘無有一
色常住不變而一向樂恒久存者無有覺想

行識常住不變而一向樂恒久存者於是世
尊以手指爪抄少牛糞告曰比丘汝今見我
以手指爪抄少牛糞耶比丘白曰見也世尊
佛復告曰比丘如是無有少色常住不變而
一向樂恒久存也如是無有少覺想行識常
住不變而一向樂恒久存也所以者何比丘
我憶昔時長夜作福長作福已長受樂報比
丘我在昔時七年行慈七反成敗不來此世世
敗壞時生晃昱天世成立時來下生空梵宮
殿中於彼梵中作大梵天餘處千反作自在
天王三十六反作天帝釋復無量反作刹刹
頂生王比丘我作刹刹頂生王時有八万四千

大鳥被好乘具衆寶校飾白珠絡覆于娑賀
鳥王爲首比丘我作刹利頂生王時有八万
四千馬被好乘具衆寶莊飾金鏡校路駢馬
王爲首比丘我作刹利頂生王時有八万四
千車四種校飾莊以衆好師子虎豹斑文之
皮織成雜色種種莊飾極利疾名樂聲車爲
首比丘我作刹利頂生王時有八万四千大
城極大富樂多有人民拘舍和提王城爲首
比丘我作刹利頂生王時有八万四千樓四
種寶樓金銀瑠璃及水精正法殿爲首比丘
我作刹利頂生王時有八万四千御座四種
寶座金銀瑠璃及水精敷以氍毹毼毼覆以

錦綺羅縠有襯體被兩頭安枕加陵伽波和
羅波遮悉多羅那比丘我作刹利頂生王時
有八万四千雙衣初摩衣錦衣繒衣劫貝衣
加陵伽波和羅衣比丘我作刹利頂生王時
有八万四千女身體光澤皦潔明淨美色過
人小不及天姿容端正觀者歡悅衆寶瓔珞

嚴飾具足盡刹利種女餘族無量比丘我作
刹利頂生王時有八万四千種食晝夜常供
爲我故設欲令我食比丘彼八万四千種食
中有一種食極美淨潔無量種味是我常所
食比丘彼八万四千女中有一刹利女最端
正姝好常奉侍我比丘彼八万四千雙衣中

有一雙衣或初摩衣或錦衣或繒衣或劫貝
衣或加陵伽波和羅衣是我常所著比丘彼
八万四千御座中有一御座或金或銀或瑠
璃或水精敷以氍毹毼毼覆以錦綺羅縠有
襯體被兩頭安枕伽陵伽波和羅波遮悉多
羅那是我常所卧比丘彼八万四千樓觀中
有一樓觀或金或銀或瑠璃或水精名正法
殿是我常所住比丘彼八万四千大城中而
有一城極大富樂多有人民名拘舍瑟提是
我常所居比丘彼八万四千車中而有一車
莊以衆好師子虎豹斑文之毛織成雜色種
種莊飾極利疾名樂聲車是我常所載至觀

望園觀比丘彼八万四千馬中而有一馬體
紺青色頭像如烏名駝馬王是我常所騎至
觀望園觀比丘彼八万四千大鳥中而有一
鳥舉體極白七支盡正名于娑賀鳥王是我
常所乘至觀望園觀比丘我作此念是何業
果爲何業報令我今日有大如意足有大威
德有大福祐有大威神比丘我復作此念是
三業果爲三業報令我今日有大如意足有
大威德有大福祐有大威神一者布施二者
調御三者守護比丘汝觀彼一切所行盡滅
如意足亦失比丘於意云何色爲有常爲無
常耶荅曰無常也世尊復問曰若無常者是

苦非苦耶答曰苦變易也世尊復問曰若無
常苦變易法者是多聞聖弟子頗受是我
是我所我是彼所耶答曰不也世尊復問曰
比丘於意云何覺想行識爲有常爲無常耶
答曰無常也世尊復問曰若無常者是苦非
苦耶答曰苦變易也世尊復問曰若無常苦
變易法者是多聞聖弟子頗受是我我所
我是彼所耶答曰不也世尊是故比丘汝應
如是學若有色或過去或未來或現在或內
或外或麤或細或好或惡或近或遠彼一切
非我非我所我非彼所當以慧觀知如真若
有覺想行識或過去或未來或現在或內或

外或麤或細或好或惡或近或遠彼一切非
我非我所我非彼所當以慧觀知如真比丘
若多聞聖弟子如是觀者彼便厭色厭覺想
行識厭已便無欲無欲已便解脫解脫已便
知解脫生已盡梵行已立所作已辦不更受
有知如真於是彼此丘聞佛所說善受善持
即從坐起稽首佛足遶三匝而去彼此丘受
佛化已獨住遠離心無放逸修行精勤彼獨
住遠離心無放逸修行精勤已族姓子所爲
剃除鬚髮著袈裟衣至信捨家無家學道者
唯無上梵行訖於現法中自知自覺自作證
成就遊生已盡梵行已立所作已辦不更受

有知如真如是彼比丘知法已乃至得阿羅訶佛說如是彼諸比丘聞佛所說歡喜奉行牛糞喻經第四竟

中阿含王相應品頻鞞娑羅王迎佛經第五

初一日誦

我聞如是一時佛遊摩竭陀國與大比丘衆

俱比丘一千悉無著至真本皆編髮往詣王

舍城摩竭陀邑於是摩竭陀王頻鞞娑羅聞

世尊遊摩竭陀國與大比丘衆俱比丘一千

悉無著至真本皆編髮來此王舍城摩竭陀

邑摩竭陀王頻鞞娑羅聞已即集四種軍爲

軍馬軍車軍步軍集四種軍已與無數衆俱

長一由延往詣佛所於是世尊遙見摩竭陀
王頻鞞娑羅來則便避道往至善住尼拘類
樹王下敷尼師壇結跏趺坐及比丘衆摩竭
陀王頻鞞娑羅遙見世尊在林樹間端正姝
好猶星中月光曜暉暉晃若金山相好具足
威神巍巍諸根寂定無有蔽礙成就調御息
心靜嘿見已下車若諸王刹刹以水灑頂得
爲人主整御大地有五儀式一劔二蓋三曰
天冠四珠柄拂五嚴飾履一切除却及四種
軍步進詣佛到已作禮三自稱名姓世尊我
是摩竭陀王洗尼頻鞞娑羅如是至三於是
世尊告曰大王如是如是汝是摩竭陀王洗

尼頻鞞娑羅於是摩竭陀王洗尼頻鞞娑羅
再三自稱名姓已爲佛作禮却坐一面諸摩
竭陀人或禮佛足却坐一面或問訊佛却坐
一面或叉手向佛却坐一面或遙見佛已嘿
然而坐今時尊者鬱毗羅迦葉亦在衆坐尊
者鬱毗羅迦葉是摩竭陀人意之所係謂天

尊師是無著真人於是摩竭陀人悉作是念
沙門瞿曇從鬱毗羅迦葉學梵行耶爲鬱毗
羅迦葉從沙門瞿曇學梵行耶今時世尊即
知摩竭陀人心之所念便向尊者鬱毗羅迦
葉而說頌曰

鬱毗見何等

斷火來就此

迦葉爲我說

所由不事火

飲食種種味

為欲故事火

生中見如此

是故不樂事

迦葉意不樂

飲食種種味

何不樂天人

迦葉為我說

見寂靜滅盡

無為不欲有

更無有尊天

是故不事火

世尊為最勝

世尊不邪思

了解覺諸法

我受最勝法

於是世尊告曰迦葉汝今當為現如意足今
此眾會咸得信樂於是尊者鬱毗羅迦葉即
如其像作如意足便在坐沒從東方出飛騰
虛空現四種威儀一行二住三坐四卧復次
入於火定尊者鬱毗羅迦葉入火定已身中
便出種種火燄青黃赤白中水精色下身出

火上身出水 上身出火 下身出水 如是南西北方飛騰虛空現四種威儀一行二住三坐四卧復次入於火定尊者鬱毗羅迦葉入火定已身中便出種種火燉青黃赤白中水精色下身出火 上身出水 上身出火 下身出水 於是尊者鬱毗羅迦葉現如意足已爲佛作礼白曰世尊佛是我師我是佛弟子佛具一切智我無一切智世尊告曰如是迦葉如是迦葉我有一切智汝無一切智尔時尊者鬱毗羅迦葉因自己故而說頌曰

昔無所知時

爲解脫事火

雖老猶生盲

邪不見真際

我今見上跡

無上龍所說

無為盡脫苦 見已生死盡

諸摩竭陀人見如此已便作是念沙門瞿曇
不從鬱毗羅迦葉學梵行鬱毗羅迦葉從沙
門瞿曇學梵行也世尊知諸摩竭陀人心之
所念便為摩竭陀王洗尼頻鞞娑羅說法勸
發渴仰成就歡喜無量方便為彼說法勸發
渴仰成就歡喜已如諸佛法先說端正法聞
者歡悅謂說施說戒說生天法毀些欲為灾
患生死為穢稱嘆無欲為妙道品白淨世尊
為彼大王說之佛已知彼有歡喜心具足心
柔軟心堪耐心昇上心一向心無疑心無盖
心有能有力堪受正法謂如諸佛所說正要

世尊即為彼說苦習滅道大王色生滅汝當
知色生滅大王覺想行識生滅汝當知識生
滅大王猶大雨時水上之泡或生或滅大王
色生滅亦如是汝當知色生滅大王覺想行
識生滅汝當知識生滅大王若族姓子知色
生滅便知不復生當來色大王若族姓子知
覺想行識生滅便知不復生當來識大王若
族姓子知色如真便不著色不計色不染色
不住色不樂色是我大王若族姓子知覺想
行識如真便不著識不計識不染識不住識
不樂識是我大王若族姓子不著色不計色
不染色不住色不樂色是我者便不復更受

當來色大王若族姓子不著覺想行識不計
識不染識不住識不樂識是我者便不復更
受當來識大王此族姓子無量不可計無限
得息寂若捨此五陰已則不更受陰也於是
諸摩竭陀人而作是念若使色無常覺想行
識無常者誰活誰受苦樂世尊即知摩竭陀
人心之所念便告比丘愚癡凡夫不有所聞
見我是我而著於我但無我無我所空我空
我所法生則生法滅則滅皆由因緣合會生
苦若無因緣諸苦便滅衆生因緣會相連續
則生諸法如來見衆生相連續生已便作是
說有生有死我以清淨天眼出過於人見此

衆生死時生時好色惡色或妙不妙往來善處及不善處隨此衆生之所作業見其如真若此衆生成就身惡行口意惡行誹謗聖人邪見成就邪見業彼因緣此身壞命終必至惡處生地獄中若此衆生成就身善行口意善行不誹謗聖人正見成就正見業彼因緣此身壞命終必昇善處乃至天上我知彼如是然不語彼此是我爲能覺能語作教作起教起謂彼彼處受善惡業報於中或有作是念此不相應此不得住其行如法因此生彼若無此因便不生彼因此有彼若此滅者彼便滅也所謂緣無明有行乃至緣生有老死

若無明滅則行便滅乃至生滅則老死滅大王於意云何色爲有常爲無常耶荅曰無常也世尊復問曰若無常者是苦非苦耶荅曰無常苦變易也世尊復問曰若無常苦變易法者是多聞聖弟子頗受是我是我所我是彼所耶荅曰不也世尊復問曰若無常苦變易法者是多聞聖弟子頗受是我是我所我是彼所耶荅曰不也世尊大王於意云何覺想行識爲有常爲無常耶荅曰無常也世尊復問曰若無常者是苦非苦耶荅曰苦變易也世尊復問曰若無常苦變易法者是多聞聖弟子頗受是我是我所我是彼所耶荅曰不也世尊大王是故汝當如是學若有色或過去或未來或現在或內或外或麤或細或好或惡

或近或遠彼一切非我非我所我非彼所當
以慧觀知如真大王若有覺想行識或過去
或未來或現在或內或外或麁或細或好或
惡或近或遠彼一切非我非我所我非彼所
當以慧觀知如真大王若多聞聖弟子如是
觀者彼便厭色厭覺想行識厭已便無欲無
欲已便得解脫解脫已便知解脫生已盡梵
行已立所作已辦不更受有知如真佛說此
法時摩竭陀王洗屢頻鞞娑羅遠塵離垢諸
法法眼生及八万天摩竭陀諸人万二千遠
塵離垢諸法法眼生於是摩竭陀王洗屢頻
鞞娑羅見法得法覺白淨法斷疑度惑更無

餘尊不復從他無有猶豫已任果證於世尊
法得無所畏即從坐起稽首佛足白曰世尊
我今自歸於佛法及比丘眾唯願世尊受我
為優婆塞從今日始終身自歸乃至命盡佛
說如是摩竭陀王洗足頻鞞娑羅及八万天
摩竭諸人万二千及千比丘聞佛所說歡喜

奉行

頻鞞娑羅王迎佛經第五竟

初一日誦

中阿含經卷第十一

夙

鞞

步迷反

者

渠夷反

整御

上之領反

燕坐

上正作

冥於見

反

晡時

上必蒲反

輻

音福

跟蹀

上音胡

反足

見

骨腩

直也圓也

綱纒

如下莫官反

謂

指

弱

軟下

安也

骨腩

直也圓也

綱纒

如下莫官反


謂

指

弱

軟下

為六親法界



橋本町妙香

